


C O M I T A T V S
F O R E N S I V M,
vulgo
F O R E S T.



Rimarium Forensium oppidū *Roana* ad Ligirim, qui ponte ibi stratus, Regiæ, qua ad Lugdunenses itur, viæ imminet, arce munitum. Est & aliud non ignobile, *Forum Segusianorum* olim dictum, nunc vulgo *Feurs*. Extat hic vetus inscriptio, veteris appellationis mentionem faciens. NVMINI. AVG. DEO. SILVANO. FABRI. TIGNVAR. QVI. FOR. SEGV. CONSISTVNT. D. S. P. P. Ab hoc Foro pagus Forensis, vulgo *Pais de Forest*, corruptè dicitur, cum potius dicendum esset *de Fores*. Hoc oppidum sedes est merciorum totius provinciæ. Reliqua sunt *Mombrisonium*, quam urbem Vesesia amnis alluit: pars oppidi in planitie, pars in edito monte posita est: Prætorium est regiæ jurisdictionis. *Fanum S. Stephani*, *S. Estienne de Furan*, officina armorum & cannarum ferrearum, quæ inde per omnes Galliæ ditiones exportantur. Artem incolis suggessere, cum aquæ commoditas, quæ ferrum egregie temperat, tum carbones, qui ibi eruuntur. Iuxta oppidum enim assurgunt tres montes, in quibus perpetuo æstuant flammæ conspiciuntur; unus eorum *Mina*, alter *Viala*, tertius *Buta* appellatur. In iis naturalis & lapidei carbonis fodinæ sunt, tam commodæ, ut eo pro lignis aut carbonibus ex eo factis singuli oppidani in focus suis atq; tabernis quotidie utantur. Ignis ille vehementior ardentiorque eo qui è ligno fit, deprehenditur. Ex quo carbone artifices calcem optimam faciunt. Habent iidem oppidani lapicidas; unde lapis exscinditur colore cinericio, quo tota regio, importato velut ornamento & decore ædificiorum, utitur. Quin anno *CICIDCV* excisus est lapis altitudinis stupendæ, prorsusque inusitatæ, unde, solertiâ artificum, egregia crux in insula, cui Pratum fori & nundinarum nomen est, extra murum posita erectaque adspicitur, è regione præcipuæ portæ oppidi illius, tota Europa celebris ob artificum industriam copiamque, qui ferream supellectilem, & arma, bellicaq; instrumenta fabricant in tabernis & officinis suis. *Fanum S. Galmari*, *S. Galmier*, in cujus suburbanis fons est aluminosus, qui vulgo *Font-Forte*: *Fanum S. Germani*, *S. Germain Larval*, generosissimi vini ferax: *Fanum Divi Boveti*, *S. Bovet le Chastel*, in quo fabricantur optimæ notæ forcipes. *Fanum Divi Remberti*, *S. Rembert*, primo Ligeris ponte celebratum.